



19-12-2008

Inatsisartut suleriaasiani § 36, imm. 1 naapertorlugu, Naalakkersuisunut apeqquteqaateqarpunga

(Inatsisartunut ilaasortaq. Isak Davidsen. Siumut)

Biskopip piumasaqarluni oqaloqatiginnissutigisagaai allagaqaatigisartagaalu akineqarnerli ajortut matumuuna Naalakkersuisunut apeqquteqaatigaakka, suliat aallartinneqareersimanersut sumullu killinnersut.

1. **Ilagiit sinniisaasa oqartussaaffii**
2. **Ilagiinni anisimasut sullinneqarsinnaanerat**
3. **Ilagiinni malittarisassat aaliangersakkat peqqussutillu (Kirkeret)**
4. **Apersortittarnermut peqqussutissaq**

Nunatsinni Palasit Aasianni ataatsimeeqatigiinneranni ilaatigut annertuumik eqqartorneqartut matumuuna apeqquteqaatigalugit apuuppakka, aammalu nunatsinni ilageeqarnikkut suliniarnermi erseqqarinnerusumik peqqusutikkut takusassaqalernissarput pisariaqarluinnalermat.

Ilaatigut Nunatsinni apersortitsisarnermut peqqussummik soqanngilagut, paasisagullu tunngavigalugit 2003-mili apersortitsisarnermut peqqussutissaq pilersarusiorneqarsimavoq, ajoraluartumilli aamma uninngatinneqaannarsimalluni.

Palasit ataatsimeeqatigiinnerminni Biskop-imit siulersorneqarlutik apersortitsisarnermut peqqussutissaq iluarsartuullugu pisussaasunut ingerlatippaat.

Taamatut apeqquteqaateqarnikkut piumasaraara Ilagiit sullinneqarneranni peqqussutitigut malitassaqaartitaaneq Naalakkersuisut pisussaaffigimmassuk, Inatsisartutigullu peqqussutissanik Ilagiinnut tunngasunik pilersitisussaallutik.

Naggataagut oqaatigissavara Nunatta namminerisaminik Biskop-eqarfinngornissaanut pilersaartoqarmat piumasarerusuppara Ilagiinnut tunngassuteqartuni aqqissuussinerit Biskopi peqatigalugu ingerlanneqartuarumaartut.